

1. ხელშეკრულების დამდები მხარეები

1.1. ერთი მხრივ სსიპ თბილისის აპოლონ ქუთათელაძის სახელობის სახელმწიფო სამხატვრო აკადემია წარმოდგენილი კანცლერის კახა ტრაპაიძის სახით (შემდგომში „შემსყიდველი“) და მეორეს მხრივ შ.პ.ს. „ვი აი პი პრინტი“ წარმოდგენილი დირექტორის ანდრეი ტონაკანიანის სახით (შემდგომში „მომწოდებელი“) სსიპ თბილისის აპოლონ ქუთათელაძის სახელობის სახელმწიფო სამხატვრო აკადემიის მიერ ბეჭდვა და მასთან დაკავშირებული მომსახურებების (CPV79800000) შესყიდვის მიზნით ჩატარებული ელექტრონული ტენდერის (სატენდერო განცხადების №SPA170013000) გათვალისწინებით ვდებთ წინამდებარე ხელშეკრულებას.

2. ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 2.1. „ხელშეკრულება სახელმწიფო შესყიდვის შესახებ“ (შემდგომ — „ხელშეკრულება“) — „სახელმწიფო შესყიდვების შესახებ“ საქართველოს კანონის საფუძველზე შემსყიდველ ორგანიზაციასა და მომწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 2.2. „შემსყიდველი ორგანიზაცია“ (შემდგომ „შემსყიდველი“) ნიშნავს ორგანიზაციას (დაწესებულებას), რომელიც ახორციელებს შესყიდვას;
- 2.3. „მომწოდებელი“ ნიშნავს იურიდიულ ან ფიზიკურ პირს, რომელმაც შემსყიდველთან გააფორმა ხელშეკრულება სახელმწიფო შესყიდვის შესახებ;
- 2.4. „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მომწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 2.5. „დღე“, „კვირა“, „თვე“ ნიშნავს კალენდარულ დღეს, კვირას, თვეს, თუ ხელშეკრულებით სხვა პირობა არ არის გათვალისწინებული

3. ხელშეკრულების საგანი

3.1. ხელშეკრულების საგანს წარმოადგენს ბეჭდვითი მომსახურებები (CPV79810000).

4. ხელშეკრულების ღირებულება

4.1. ხელშეკრულების ღირებულება შეადგენს 5 250,00 (ხუთიათასხუთასორმოდანათი) ლარს საქართველოს კანონმდებლობით დადგენილი შესაბამისი გადასახადების გათვალისწინებით.

5. ხელშეკრულების მოქმედების ვადა და გეგმა-გრაფიკი

- 5.1. წინამდებარე ხელშეკრულება ძალაშია მხარეთა მიერ ხელმოწერის დღიდან და მოქმედებს 2018 წლის 31 იანვრის ჩათვლით.
- 5.2. სამუშაოები შესრულდება ეტაპობრივად შემსყიდველის მოთხოვნის შესაბამისად 2017 წლის 31 დეკემბრის ჩათვლით.

5.3. მომწოდებელი ვალდებულია შემსყიდველის შეკვეთიდან 1 (ერთი) სამუშაო დღეში დაბეჭდოს და გადასცეს შემსყიდველის წარმომადგენელს დანართ №1-ში მითითებული საქონელი.

6. მხარეთა ვალდებულებები

6.1. მომწოდებელი პასუხისმგებელია ნაკისრი ვალდებულებების განხორციელების ხარისხზე, ვარგისიანობასა და დროულობაზე.

6.2. შემსყიდველი ორგანიზაცია ვალდებულია მომწოდებლის მიერ ხელშეკრულებით ნაკისრი ვალდებულებების სრულად და ჯეროვნად შესრულების შემთხვევაში აუნაზღაუროს მას ხელშეკრულების ღირებულება დადგენილი ოდენობით.

6.3. შემსყიდველი არ აგებს პასუხს მომწოდებლის მიერ მესამე პირებისათვის მიყენებულ ზიანზე ან ზარალზე.

6.4. შემსყიდველი არ აგებს პასუხს მომწოდებლის მიერ მესამე პირის მიმართ ნაკისრ ვალდებულებებზე.

6.5. მომწოდებელი არ აგებს პასუხს შემსყიდველის მიერ მესამე პირის მიმართ ნაკისრ ვალდებულებებზე.

6.6. მომწოდებელი ვალდებულია საკუთარი ხარჯებით შეუცვლის შემსყიდველს უხარისხო საქონელი.

6.7. მომწოდებელი ვალდებულია განახორციელოს მომსახურება წინამდებარე ხელშეკრულებით გათვალისწინებულ დანართებში არსებული მონაცემების მიხედვით.

7. სამუშაოების მიღება-ჩაბარების წესი

7.1. სამუშაოები შესრულებულად ჩაითვლება შესაბამისი „მიღება-ჩაბარების“ აქტის გაფორმების შემდეგ.

7.2. მიღება-ჩაბარების აქტი ფორმდება სამუშაოების შესრულების შემდეგ, მხარეების უფლებამოსილ წარმომადგენლებს შორის.

8. ხელშეკრულების კონტროლი

8.1. მომწოდებლის მიერ სახელმწიფო შესყიდვების შესახებ ხელშეკრულებისა და მასში შემავალი დოკუმენტების პირობების შესრულებაზე კონტროლს განახორციელებს შემსყიდველი.

8.2. ყველა გამოვლენილი და დასაბუთებული ხარვეზის ან ნაკლის აღმოფხვრას უზრუნველყოფს მომწოდებელი.

9. ანგარიშსწორება

9.1. ანგარიშსწორება მომწოდებელთან განხორციელდება ლარებში.

9.2. ანგარიშსწორება განხორციელდება უნაღდო ანგარიშსწორებით მომწოდებლის საბანკო ანგარიშზე, ფაქტიურად მიწოდებული საქონლის რაოდენობის შესაბამისად, შესაბამისი მიღება-ჩაბარების აქტისა და საგადასახადო დოკუმენტების გაფორმების შემდეგ 10 სამუშაო დღის განმავლობაში.

10. ფასები

10.1. წინამდებარე ხელშეკრულების მე-4 პუნქტში დაფიქსირებული შესასყიდი საქონლის ფასი წარმოადგენს ხელშეკრულების ღირებულებით პარამეტრს.

10.2. ხელშეკრულების ღირებულებითი პარამეტრის ცალმხრივად შეცვლა ხელშეკრულების მოქმედების მთელი პერიოდის განმავლობაში დაუშვებელია.

10.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

11. ხელშეკრულებაში ცვლილებების შეტანა

11.1. ხელშეკრულების დამდებ არც ერთი მხარეს არა აქვს უფლება ცალმხრივად შეცვალოს ხელშეკრულების პირობები.

11.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

11.3. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის ან/და შეთანხმების სახით, რომელიც ჩაითვლება ხელშეკრულების განუყოფელ ნაწილად.

12. ფორს-მაჟორი

12.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას და მომწოდებლისათვის ხელშეკრულების შესრულების გარანტიის დაუბრუნებლობას.

12.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მომწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით და ემბარგოს დაწესებით და სხვა.

12.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

13. მხარეთა პასუხისმგებლობა ხელშეკრულების პირობების დარღვევისათვის

13.1. ფორს-მაჟორული გარემოებების გარდა ხელშეკრულებით გათვალისწინებული ვალდებულებების შეუსრულებლობის ან არაჯეროვანი შესრულებისათვის მომწოდებელს დაეკისრება პირგასამტეხლოს გადახდა ყოველ ვადაგადაცილებულ დღეზე შეუსრულებელი ვალდებულების ღირებულების 0,1%-ის ოდენობით.

13.2. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 10 (ათი) პროცენტს, ამ შემთხვევაში ნებისმიერი მხარე იტოვებს უფლებას შეწყვიტოს ხელშეკრულება და მოსთხოვოს მეორე მხარის ხელშეკრულების შეწყვეტის მომენტისთვის გადასახდელი თანხებისა და პირგასამტეხლოს ანაზღაურება.

13.3. პირგასამტეხლოს გადახდა არ ათავისუფლებს მხარეებს ძირითადი ვალდებულებების შესრულებისაგან.

14. ხელშეკრულების შეწყვეტა

14.1. ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ.

14.2. ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი. აღნიშნული შეტყობინება უნდა მიეწოდოს მეორე მხარეს გადაწყვეტილების ძალაში შესვლამდე.

14.3. ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

15. დავების გაწყვეტის წესი

15.1. ხელშეკრულების დამდები მხარეები თანხმდებიან მასზედ, რომ ყველა ღონეს იხმარენ, რათა მოლაპარაკებების მეშვეობით მოაგვარონ ნებისმიერი უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ.

15.2. თუ შემსყიდველი და მომწოდებელი ვერ შესძლებენ სადაო საკითხების მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესით მიმართოს სასამართლოს.

16. სხვა პირობები

17.1. ხელშეკრულება შედგენილია ქართულ ენაზე ორ ეგზემპლარად, აქვს თანაბარი იურიდიული ძალა და ინახება მხარეებთან.

17.2. ხელშეკრულების შემადგენელ ნაწილს წარმოადგენს მომწოდებლის მიერ წარმოდგენილი ფასების ცხრილი (დანართი №1)

17. მხარეთა იურიდიული მისამართები და რეკვიზიტები

შემსყიდველი:

სსიპ თბილისის აპ. ქუთათელაძის სახელობის
სახელმწიფო სამხატვრო აკადემია
ქ. თბილისი, გრიბოედოვის ქ. №22
ს/კ 203851545
სახელმწიფო ხაზინა
კოდი TRESGE22
ა/ა 708913459

მომწოდებელი:

შ.პ.ს. „ვი აი პი პრინტი“
ქ. თბილისი, პასტერის ქ. 5
ს/კ 204567708
ს.ს. „თიბისი ბანკის“
კოდი TBCBGE22
ა/ა GE79TB5688536020100004

კანცლერი

კახა ტრაპაიძე



დირექტორი

ანდრეი ტონაკაიძე



ფასების ცხრილი

პრეტენდენტის დასახელება S.p.s. "vi ai pi print"

დასახელება	განზ. ერთეული	რაოდენობა	ერთ. ფასი	მთლიანი ფასი
სავიზიტე ბარათი (ცალმხრივი ფერადი ბეჭდვა)	ცალი	150 0	0,10ლ	150,00ლ
პოსტერი (A3, 300გრ. ქაღალდი, პრიალა/გლუვი, ცალმხრივი ბეჭდვა)	ცალი	350	1,50ლ	525,00ლ
კონვერტი (დიპლომატიური, 24x10,5სმ)	ცალი	1000	0,28ლ	280,00ლ
კონვერტი (A4)	ცალი	1000	0,40ლ	400,00ლ
პოლიპოსტერი (205x90მმ)	ცალი	20	55,00ლ	1100,00ლ
პირდაპირი ბეჭდვა 5 მმ-იან „პ.ვ.ხ.“-ზე (არადაკრული სტიკერი)	კვმ.	150	11,00ლ	1650,00ლ
ფოტო (High Resolution Ink Jet Printing) 280 გრ. ქაღალდზე ბეჭდვა A3	ცალი	100	3,25ლ	325,00ლ
ჩასანიშნი ფურცელი, შემსყიდველის ლოგოთი და ვებ-გვერდის მისამართით (95x95მმ)	ცალი	10000	0,022ლ	220,00ლ
სტიკერი (17x17სმ ზომის)	ცალი	6000	0,10ლ	600,00ლ

ჯამი: 5250,00ლ

ხელმოწერა director andrei tonakanianთარიღი 09.10.2017